

Na osnovu člana 21. Zakona o državnoj službi u institucijama Bosne i Hercegovine ("Službeni glasnik BiH", br. 19/02, 35/03, 4/04, 17/04, 26/04, 37/04, 48/05, 2/06, 32/07 i 43/09), Agencija za državnu službu Bosne i Hercegovine, u ime Ministarstva komunikacija i prometa Bosne i Hercegovine, raspisuje

JAVNI OGLAS
za popunjavanje radnog mjesta državnog službenika
u Ministarstvu komunikacija i prometa Bosne i Hercegovine

SEKTOR ZA PRAVNE I FINANSIJSKE POSLOVE

1/01 Stručni saradnik za bilateralne sporazume

Opis poslova i radnih zadataka: Učestvuje u pripremi bilateralnih sporazuma iz nadležnosti Ministarstva; vodi potrebnu korespondenciju u cilju osiguranja svih materijala potrebnih za pokretanje inicijative, utvrđivanje prijedloga sporazuma, njihovo potpisivanje; obavlja i druge poslove koji prethode potpisivanju, ratifikaciji i objavljivanju potpisanih i ratifikovanih akata; prati prijem razmjene diplomatskih nota o stupanju na snagu sporazuma; obavlja i druge poslove po nalogu šefa Odsjeka.

Posebni uslovi: završen pravni fakultet; najmanje jedna (1) godina radnog iskustva u struci; položen stručni (upravni) ispit.

Pripadajuća osnovna neto plata: 1125 KM

Broj izvršilaca: jedan (1) izvršilac

Napomena za sve kandidate:

- Pored posebnih uslova navedenih u javnom oglasu, kandidati moraju zadovoljavati i opšte uslove propisane članom 22. Zakona o državnoj službi u institucijama Bosne i Hercegovine.

- Pod radnim iskustvom podrazumijeva se isključivo radno iskustvo nakon stečene visoke školske spreme.

- Javni konkurs se sprovodi u skladu sa Odlukom o načinu polaganja javnog i stručnog ispita ("Službeni glasnik BiH", broj 96/07).

Gradivo i pravni izvori odnosno literatura za polaganje javnog ispita utvrđeni su Programom polaganja javnog ispita ("Službeni glasnik BiH", broj 28/08).

Potrebni dokumenti:

- **ovjerene kopije:** fakultetske diplome (nostrifikovane diplome, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine); važeće lične karte; uvjerenja o položenom stručnom upravnom ispitu ili uvjerenja o položenom javnom ispitu (u cilju oslobođanja od polaganja javnog ispita); potvrde ili uvjerenja kao dokaza o traženom radnom iskustvu u struci; popunjen obrazac Agencije za državnu službu koji se može dobiti u prostorijama Agencije za državnu službu BiH ili na web stranici Agencije www.ads.gov.ba.

- Kandidati koji budu uspješni na pismenom dijelu stručnog ispita obavezni su *na usmeni dio stručnog ispita (intervju)* donijeti *uvjerenje o nevođenju krivičnog postupka* (ne starije od tri mjeseca), koje se ne dostavlja zajedno sa drugim dokumentima, u protivnom neće moći pristupiti istom. Iznimno, u slučaju ako kandidat iz objektivnih razloga ne dostavi traženo uvjerenje na intervju, isto treba dostaviti najkasnije do momenta preuzimanja dužnosti, u suprotnom skida se sa liste uspješnih kandidata.

Sve tražene dokumente, *osim uvjerenja o nevođenju krivičnog postupka koje se dostavlja na intervjuu*, treba **dostaviti najkasnije do 21.07.2009. godine**, putem poštanske službe preporučeno na adresu:

Agencija za državnu službu Bosne i Hercegovine

"Javni konkurs za popunjavanje radnog mjesta državnog službenika u Ministarstvu komunikacija i prometa Bosne i Hercegovine"

71 000 Sarajevo, Trg Bosne i Hercegovine 1

Nepotpune, neblagovremene i neuredne prijave, kao i kopije tražene dokumentacije koje nisu ovjerene neće se uzimati u razmatranje.

juna 2009.g.
Sarajevo

DIREKTOR
Neven Akšamija

